

DEO OPTIMO MAX.

UNI, ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
manè discutienda, in Scholis Medicorum, die Jovis vigesima. sexta
mensis Novembris, Anno Domini M. DCC. L.

M. LUDOVICO-JOANNE-BAPTISTA COSNIER,
Doctore Medico, Præside.

An præcipua, in Pulmonibus, nutritis succi præparatio?

I.



ADUCA, fragilisque mortalium soboles, quæ tanto sui dispendio propriis sibi functionibus sufficit. Quo vivimus motu, eodem continuo morimur. Ad vitam enim moveri essentialis; hinc jugis illa partium perditio, necessarium interitus & ruinæ rudimentum. Diu tractata gracilescit solidissima metalli moles; quieta etiam edaci minuitur rubigine; ne mire-
ris ergo quod ex tenerissimis machinulis conflatus homo tam cito fatiscat. Ut igitur utriusque generis partium, quibus corpus constat, perennis expleretur avolatio, exterior & immensa ne queratur potentia. Circuli enim vitalis actione, fluidorum nisu, valorum resistentia, variaque directione, necessario fit, ut, supra vim cohesionis prævalente impetus toties repetiti momento, facilius dividantur fluidorum particule, sensimque, mox in obvios secretiorum meatus interius excipiantur, mox patentibus ad exteriora spiraculis occurrant. Quantas autem in sese fluida, tantas & in solida vires exerere videntur. Irruentibus undequaque illorum effluviis cedit & ipsorummet ossium durities: minimis orbantur superficie suæ frustulis; cum fluida salinis præsertim insistent armata cuspidibus. Physicis itaque legibus congrua hæc consumptio. Nonne etenim insensibilem quasi atomorum irruentium agmen, ad abraderendum tenerissimas ossium particulas tantum valet, quantum aqua, quæ poros funis ab appenso pondere constrictos subit, vel ipsiusmet in Alembico vapores expansi cervinum cornu penetrantes, oleis licet & salibus turgens. Ephemeræ itaque, veluti foret, totius Microcosmi vita, nisi nutritionis operâ, perennes destructionis causæ jugiter compensarentur. Quotiescumque autem, fluidis continuo attritu imminutis & exhaustis nova similium restitueretur copia; vel solidis etiam simplicissimis pares applicabuntur particule, tum ambo reparari & nutrirî merito dicentur. Plurima porò ut sunt deperditionis, innumera sic restitutionis instrumenta. Hujus materies amplissima, chylus;

A

fed remota. Os, prima est illius officina; rursus in œsophago & ventriculo elaboratur. Intestinatorum ope, utilioribus permiscetur succis, à deterioribus expurgatur fordibus. Atteritur dein in lacteis ordinis diversi vasis; lymphâque hic præsertim jugiter stillante, diluitur. Sanguini tandem infunditur subalbus ille latex, sed rudis adhucdum, minùsque ad nutritionis officium aptus; quippe qui *inchoativos* tantum fuit huc usque labores perpeffus, motibusque ac pressionibus à subclaviâ ad cor, à corde per Pulmones, variis committendus est in-cerniculis. Huic autem visceri præcipua meritò tribuetur nutrientis succi præparatio, quod chylum subtilissimum, gelatinosum, humoribusque nostris analogum efficiet.

I I.

Marcell. Malpigh. de ovo incub.

SOLIDESCIT in humano corpore humor nullus, quin priùs per exilissimos vasorum mæandros repetitâ periodo pluries fuerit transcolatus. Sic *in fatu* *successivè* attenuatur humor albuminis, donec aptus evadat fluere per omnia, *minimaque Embryonis vascula*. Vasa etenim iis tantum nutriuntur, quibus penetrantur humoribus. Angustiores autem canaliculi, præ cæteris, refectione indigent, uberiori jacturâ perenniter exhausti. Exiles quippe impetui minùs resistunt; habito etiam, latioris superficiei ad minimam cavitatem respectu, major fit & frequentior arietantis fluidi concursus. Tenui tandem fluido faciliùs cedent membranulæ vasculi, abradentur, vel saltem in ipsis desiderabitur deperditorum restitutio. At quæ fecit damna prior fluidi rivulus, alter cum sænore refarciet, modò subtilis. Talis enim exiguis alveolis erit accommodatio. Multiplici deindè contactu, alluet nutrieturque plura vasculi puncta; & quos permeabit poros, eos haud ægrè replebit. Triplici autem huicce munerì impar chylus, nisi attenuatus valdè, dilutus, fluxilitateque majori, quam putari solet, commendatus. *Levis enim humor*, ut ait Hippocrates, *homini nutrimentum est*. Hinc forsitan authorum, nec infimioris notæ, sententia, quæ spiritibus animalibus nutriendi corporis facultatem concedit. Sanctorius imò de nutritione animali N°. XXXVI. *Sucum nervæum*, inquit, *per nerveos ductus ad singulas partes stillatim per cerebri pressionem delatum singularum partium nutrimentum esse, mihi firmiter videor posse statuere*. Hæc autem genuinæ spirituum animalium indoli dissona videtur hypothesis: Hi enim *solidissimi, tenuissimi, mobilissimi, simplicissimi*que nec ad ignem concrefcere, sed penitus in auras abire deprehenduntur. Corpus enim simplicissimum non plus nutrire valet quam inconcrefcibile. Gelatinosa sit igitur nutritiva materies oportet, humoribusque & partibus corporis analogæ. Fibra quævis in gelatinam resolvitur, gelatinosis igitur tantum reparabitur. Eodem etiam Embryo vescitur latice: lymphâ scilicet tenui, subtilissimâ, Ex similibus ergò succis defumatur adulti nutritio.

Boerh. inflit.
N°. 274. 275.

I I I.

Malpigh. de pulmon. Epistol.

IN pulmonibus porrò chylus efficitur subtilissimus, gelatinosus humoribusque nostris analogus. Ad id enim à naturâ comparatus videtur, qui totam eorum substantiam constituit, vasorum partim, partim vesicularum contextus. Has numero infinitas jure habueris. *Orbiculares sunt & subtilissimi membranæ tenuissima processus*, communi inter se aditu, & cum ipsarum principio, bronchiali scilicet fistulâ, communicantes; quos tandem continentis membranæ juris fieri, Malpighiana comprobât assertio. Interior insuper cellulosi cujuscumque folliculi superficies, mirabili pneumonicæ, tum arteriæ, tum venæ, rete investitur, cujus ope tanquam vinculo firmanur intrâ se ac colligantur ejusmodi sinus. Nec singulo folliculo deficit talis vasculorum plexus. Racematim in unoquoque resoluta lobulo, ibique exsculpta pulmonum arteria, ordinis cujuscumque ipsi impertit vasa, anastomosibusque sub fine repetitis, cum venæ radicibus,

juxta plurimos, inīit connubium. Quæ simili ordine, fabricâ, à ramis per truncos majores numero quatuor, sanguinem in sinum cordis sinistrum pleno amne exonerat. Hos inter compagis minutissimæ lobulos, nudæ, nec pauciores observantur cavitates, interstitia sunt, vel potius membranaceæ ac diaphanæ pulmonum vesiculæ, à parallelis, vel angularibus extremæ lobulorum superficiæ membranæ propaginibus efformatæ; totque ipsi tum interioris, tum exterioris appendices. Talem habent interstitia hæc extensionem, qualis à lobulis in situ naturali positis relinquitur; ita ut in majoris structuræ animalibus, *mediam transversæ digiti latitudinem adæquare videantur*. Plicatillum autem hujusmodi sacculorum, vesicularumque undequaque aggeries, vasculorum tandem ubique ramificationes, pulmonem constituunt, cujus tres lobi sinistram, duo tantum dextram Thoracis cavitatem, pro parte, adimplent. Quantus igitur fiat in chylō, celeriter per pulmonem trajectio effectus, quanta accidere, debeat mutatio, is facile perspiciet, qui maturius fistulosam ejus fabricam, multiplex quibus alluitur, aereorum, sanguiferorum, lymphaticorum, nerveorumve ductuum genus animadverterit, iteratas itē eorum interse complicatorum divaricationes cognoverit, fibrosæ necnon quorundam tunicæ energiam, aerisque ex omni parte pressi, vel prementis impetum, physicè perpenderit.

Idem loco mox citato.

I V.

MIRANDUM dixeris solemne illud naturæ institutum, quo in eâ partem quam peculiari dicare sibi placuit operi, apposita deprehenditur machinarum dispositio, adaptata virium applicatio. Neque enim idē pulmo conterminus est cordi, quod quasi complectitur, nisi ut per exilissimos membranularum tubulos impetu adactus maximo sanguis, in minutissimas partes atteratur ac dividatur. Quin imò alterno fluidi gravis & elastici, in vesiculas aeras introitū & egressū, potentioribus subigi debet, tanquam pistillo, resistentis. Explicatis enim & expansis, in aeris inspiratione, vesiculis, innumerabiles, qui mox depressi, exporriguntur sanguiferorum rami, faciliior sit cruoris intropulsi, ad venam usque, transitus. In expiratione verò cum concidunt elasticæ earum membranæ, tenues comprimuntur venarum radices, urgetur ab iis ad ramos sanguis, sed ægrè trahendus. Nunc enim per collapsum obice factō, auctaque vasorum superficie respectu fluidi, frangitur & atteritur, capillarium tenuitati, sui divisione, accommodatur. Ex toties igitur repetitis, tum conqassatione, tum concussione, quanta fluiditas ipsi, quanta comminutio accidere debent? Qualis autem sit aeris in sanguinem pulmonalem energia, patet ex dictis. Vegetior etiam sub sicco & sereno tempore, languens & impedita sub humido, *vacua*, ut ita dicam, ac *rara* sub calidiori, de his certiore te faciet respiratio. Nec ad atterendos tantum sanguinis globulos, destinatum potentiarum harumque consortium. Intimiori ipsorum miscelæ, inutilium excretioni, beneficè providet. Revolutæ etenim in majoribus vasis illius particulæ, in ultimis horum ramificationibus divisæ, uniuntur dein intrâ se, *homogeneitatemque* quasi adipisci debent. Sanguineas enim partes ad facilem unionem proclives esse constat. Pars rubra lapideæ licet aliquandò soliditatis æmula, fluxileque serum facillimè concrefens, fusa simul, & permixta, jam soluta magis sunt & fluxiliora: & in eo præsertim viscere, plures ubi reperiuntur vasorum myriades, uberiorque lymphæ concursus. Lympha etenim ipsa, jam in propriis organis præparata ulteriorem ibi patitur elaborationem, sitque nutriendo aptissima. Jam enim comminuta facilius atteruntur, utpote quæ majorem, ratione molis offerunt superficiem. Et quidem huic sententiæ favet insufficiens sanguinis in corde dextro subactio, bronchialisque arteriæ ortus. Hæc à Ruischio, olim detecta, originem ducit à posticâ, arteriæ magnæ descendētis, parte modò suprà, mo-

dó infrà intercostales ab eâdem aortâ pariter oriundas; suprà bronchia serpit; quorum ultimas divisiones fideliter concomitatur, oculi captum fugiens. Hæc sanguinem pulmonis nutritioni peculiariter dicatum, in ipsammet ejus substantiam & tunicas effundit, easdemque in hoc viscere, ac in jecore hepatica, vices adimplet. Similis & in corde observatur dispositio, quod quidem nutritur sanguine coronarium in pulmonibus jam præparato.

V.

ET verò non ineptè ab Halesio folia vegetabilium pulmonibus nostris fuerunt comparata. Quid enim hæc præstent ad præparandos plantarum succos, ab omnibus notum est: folia siquidem majorem succi nutrientis copiam excipiunt, quàm deinde subtilem licet, subtiliorem adhuc effingunt. Tenuissimo namque vasorum tum deferentium, tum fecernentium intrâ se repletu, latioris superficiei extensione, ductilem hanc perficiunt materiem, quæ plantis nutrimentum, fructibus conciliat maturitatem. Similis & in pulmone deprehenditur effectus, sed quantò potentior: illum etenim frequentiori longè, validiorique systolis ac diastolis motu gaudere, certum est, cum vegetantium frondes successivo tantum diei, noctisque, frigore vel æstu, æternam illius vix æmulari queant actionem. At iniques, non respicit in utero fœtus, crescit ille tamen, & nutritur. Fateor equidè, verum ipsi inutilem esse fœtareis respirationem; cum præparatus tum ex utero, tum in amnio scaturit liquor, vel per patulas vcnularum placentæ radices absorbendus, & funis umbilicalis ope deferendus ad Embryonem, vel in os & ventriculum, proprio pondere, immittendus. Imò vasculosa totius placentæ fabrica, nonne videtur ideo disposita ut fœtui vicarius quasi pulmo, ac temporaneus habeatur? Sic in junioribus plantarum furculis secundum longitudinem collocantur follicula, quæ successivè explicate ramorum nutritioni & extensioni faveant. Num verò celerius per pulmones sanguis excurrit quam per universum corpus? Num proinde major est in istis, quam alibi, succi nutrientis præparatio? Angustissimæ sunt in istis vasorum diametri, plura renixus momenta, difficilior idem, ac crebrior quam per alia vasa transitus, elaboratio igitur maxima. Dicent alii: plurimis desunt pulmones animalibus. Verum ipsis vesiculas sanguineis vasis circum instructas, natura concessit, pluribus videlicet diversi generis insectis. In limace etiam utriusque sexus participe, peculiarem respirationem observatam à se fuisse, asserit Swamerdamius. Aereum etenim, per foramen aliquod in superiori corporis parte efformatum, admitti, pronunciat, & expelli; mirabilique corporis relaxatione, & constrictione, singularem illum respirationis modum moliri annotavit. Ex dictis autem, pulmones ad nutrimenti elaborationem imprimis confectæ, quis negaverit? Cum illos mirabili artificio constructos, plerisque animalibus natura concesserit, vel eosdem insectis quasi oriantes, in insectis quibusdam & vegetantibus deficientes, scrupulosius compensavisse videatur.

Hales Stat.
Veget. pag. 231.

Ergò præcipua, in Pulmonibus, nutritis succi præparatio.

DOMINI DOCTORES DISPUTATURI.

M. Joannes-Jacobus Messen-
ce.

M. Bernardus-Nicolaus Ber-
trand.

M. Gaspardus Cochon Du-
puy, Regis Consiliarius &
in Arce Mariimâ Rupsfor-
sens Anatomes & Chirur-
giæ Professor Regius.

M. Carolus-Franciſcus The-
roulde de Toulouſe de Val-
lun, Eques.

M. Stephanus - Ludovicus
Geoffroy.

M. Jacobus-Albertus Hazoni.

M. Anna - Carolus Lorry.

M. Dionysius Pautier de La-
Brenille.

M. Claudius - Carolus de
Jean, Scholarum Professor.

Proponebat Parisiis LUDOVICUS - PETRUS - FELIX - RENATUS
LE THIEULLIER Parisinus, Saluberrimæ Facultatis Medicinæ Parisiensis
Baccalaureus, A. R. S. H. 1750, A SEXTA AD MERIDIEM.

Typis QUILLAU, Universitatis & Facultatis Medicinæ Typographi, 1750.